

UNIVERZITET U TUZLI

Filozofski fakultet

**STUDIJSKI PROGRAM I CIKLUSA STUDIJA
ŽURNALISTIKA
ak. 2015/2016.
/OPŠTE ODREDBE /**

I OPĆI DIO STUDIJSKOG PROGRAMA

I Stručni i akademski naziv i stepen koji se stiče završetkom studija I ciklusa

Završetkom studija I ciklusa student stiče akademsko, odnosno stručno zvanje u skladu sa Pravilnikom o akademskim i stručnim zvanjima i načinu njihovog korištenja koji donosi Ministarstvo obrazovanja, nauke, kulture i sporta Tuzlanskog Kantona.

Uz diplomu studentu se izdaje i Dodatak diplome (splement).

II Uslovi i upis na studijski program

Pravo učešća na Konkursu imaju kandidati državljani Bosne i Hercegovine, strani državljani i lica bez državljanstva sa završenom srednjom školom u četverogodišnjem trajanju u Bosni i Hercegovini, kao i kandidati koji su srednju školu završili izvan Bosne i Hercegovine, a za koje je nakon postupka nostrifikacije, odnosno ekvivalencije utvrđeno da imaju završeno odgovarajuće srednje obrazovanje.

Pravo učešća na Konkursu imaju i kandidati sa završenom srednjom stručnom školom, ukoliko su stekli dopunsko obrazovanje iz općeobrazovnih predmeta u gimnaziji ili srednjoj tehničkoj i srodnoj školi.

Klasifikacija i izbor kandidata za upis vrši se na osnovu rezultata prijemnog ispita i drugih kriterija u skladu sa procedurama koje utvrđuje Senat Univerziteta u Tuzli.

III Naziv i ciljevi studijskog programa

Nastavni plan studija urađen je u skladu sa obavezama Filozofskog fakulteta studijskog odsjeka Žurnalistika da redovno inovira nastavne planove i programe, u skladu sa novim zahtjevima na tržištu. Nastavni plan i programi prilagođeni su zahtjevima Zakona o visokom obrazovanju i standardima kojima se reguliše visoko obrazovanje u Bosni i Hercegovini, što podrazumijeva potpuno prilagođavanje Bolonjskim principima i novi sistem organizovanja nastave i kontinuiranog ocjenjivanja studenata.

Studenti slušaju dvije grupe predmeta (obavezni i izborni) čijim polaganjem ostvaruju različit broj ECTS. Primjena ovog nastavnog plana i programa počela je školske 2015/2016. godine.

Ciljevi studijskog programa su slijedeći:

- 1) sticanje znanja i vještina za poziv bachelora žurnalistike, odnosno vještina i znanja za rad u printanim medijima, elektronskim medijima te novim medijima
- 2) osposobljavanje studenta za rad u filmskim, muzičkim i drugim produkcijskim kućama kao i konsultantskim organizacijama.
- 3) osposobljavanje studenta za rad u oblasti odnosa s javnošću: portparoli, rukovodioci i službenici PR odjela, rukovodioci i službenici službi za informisanje, šefovi kabineta, šefovi protokola, event organizatori, lobisti, animatori kulturnih zbivanja. Bachelor žurnalistike također će moći obavljati poslove iz domena korporativnog kao i marketing komuniciranja.

- 4) sticanje uslova za dalje školovanje i stručno usavršavanje u raznim srodnim poljima humanističkih i društvenih nauka.

IV Trajanje I ciklusa i ukupan broj ECTS bodova

Prvi ciklus studija traje četiri godine (osam semestara) i vrednuje se sa 240 ECTS bodova.

Studijska godina se organizuje u dva semestra (zimski i ljetni), od kojih svaki ima 15 nastavnih sedmica.

V Kompetencije i vještine koje se stiču kvalifikacijom (diplomom)

Dodiplomski studij žurnalistike studentima nudi temeljno teorijsko i praktično obrazovanje iz područja struke. Studenti će tokom studija biti osposobljeni za kritičko proučavanje literature iz predmetnih oblasti, kritičko razumijevanja teorijskih tekstova, te će biti osposobljeni da mogu komparirati i analizirati teorijska stajališta vezana za materiju koja se proučava. Pored toga biće osposobljeni za samostalni rad ako i timski rad u zahtjevnim i kriznim uvjetima. Tokom studija studenti će sistemski i postepeno stjecati znanja iz različitih oblasti kako bi bili osposobljeni kritički analizirati društvenu stvarnost. Posebna pažnja je posvećena usmenom i psimenom izražavanju esencijalnom za studij. Bachelori žurnalistike biće i praktično osposobljeni za produciranje sadržaja za printane i elektronske medije sa spektra vještina ovladavanja različitim tehnikama i tehnologijama primjerenim za specifični medij. Također će biti osposobljeni komunikacijskim vještinama i tehnikama potrebnim za obavljanje poslova iz domena PR i poslovnog komuniciranja te produkcije ostalih sadržaja.

Nakon studija, bachelori novinarstva će biti osposobljeni za rad u dnevnim i sedmičnim novinama, u novinskim agencijama, na radio stanicama, televizijskim stanicama, web portalima, produkcijskim kućama, konsultantskim kućama, privrednim društvima, vladinim i nevladinim institucijama, bankama, osiguravajućim društvima i slično.

Detaljni pregled stečenih kompetencija i ishoda učenja:

U dodiplomskom studiju novinarstva sticanje primjenjenih i praktičnih kompetencija ima jednaku težinu kao i uvođenje u polje znanstvenih i teorijskih znanja. Studenti time tokom studija stiču generičke, kao i specifične kompetencije, i to kako slijedi:

1. Generičke kompetencije
 - 1.1. Instrumentalne kompetencije – kognitivne, metodološke, jezične i tehnološke
 - 1.2. Interpersonalne kompetencije - sposobnost kritike i samokritike, timski rad, razumijevanje raznolikosti, interkulturalnosti i multukulturalnosti, etičnost
 - 1.3. Sistemске kompetencije – sposobnost primjene znanja u praksi, prilagodbe novim situacijama, kreativnost, te voditeljske sposobnosti,
 - 1.4. 'Regionalne' kompetencije - društvena odgovornost, opća kultura, želja za učenjem

2. Specifične kompetencije

- 2.1. Vještine i znanja za različite oblike komuniciranja, od interpersonalnog do masovnog, i sa različitim tipovima javnosti
- 2.2. Sposobnost pronalaženja relevantnih tema kao predmeta medijskog izvještavanja, fokusiranja na bitne elemente događaja, organiziranja i planiranja izvještavanja, prikupljanja i selekcije informacija, odabira odgovarajuće forme, ugla i načina prezentiranja odabranih tema
- 2.3. Sposobnost rada na organiziranju različitih oblika interne i eksterne komunikacije u različitim organizacijama
- 2.4. Istraživačke i analitičke vještine kao i vještine javnog nastupa

Specifični ishodi obrazovanja:

- Studenti će biti u stanju demonstrirati poznavanje osnovnih teorijskih pravaca u tumačenju komuniciranja i masovnih medija te glavnih pravaca u tumačenju utjecaja komuniciranja i medija na društvo.
- Studenti će biti u stanju demonstrirati poznavanje procesa komuniciranja od interpersonalnog do masovnog i organizacijskog
- Studenti će steći sposobnost interdisciplinarnog pristupa pri kreiranju interne i eksterne komunikacije u oblasti PR i organizacijskog komuniciranja
- Studenti će steći osnovne vještine izvještavanja u medijima i biće u stanju pripremiti novinarski prilog u odgovarajućem obliku prilagođen specifičnom mediju.
- Studenti će biti osposobljeni za rad u novinama, novinskim agencijama, na radiju, televiziji, na internetu i drugim multimedijalnim sistemima.
- Studenti će također biti osposobljeni za rad u izdavačkim kućama, odjelima za odnose s javnošću, u agencijama za istraživanje javnosti i medija itd
- Studenti će također biti osposobljeni za praktično rješavanje ključnih problema u domeni svog poziva
- Studenti će biti u stanju demonstrirati usvajanje etičke svijesti i profesionalne odgovornosti u zvanjima za koje se obrazuju.

VI Uslovi prelaska sa drugih studijskih programa u okviru istih ili srodnih oblasti studiranja

Studentu Univerziteta se može omogućiti prelazak sa jednog studijskog programa na drugi studijski program pod uslovima i postupku utvrđenim Pravilima studiranja na I ciklusu studija na Univerzitetu u Tuzli.

Studentu drugog Univerziteta može se omogućiti prelazak sa istorodnih akreditovanih studijskih programa na studijski program Filozofskog fakulteta u Tuzli studijski odsjek Žurnalistika, pod uslovima i postupku utvrđenim Pravilima studiranja I ciklusu studija na Univerzitetu u Tuzli.

Pod istorodnim studijskom programom smatraju se studijski programi Žurnalistike, Komunikologije, Novinarstva, Odnosa s javnošću, Mediologije, Komunikacija i slično.

VII Način izbora predmeta iz drugih studijskih programa

Studenti Filozofskog fakulteta studijski odsjek Žurnalistika mogu upisati pojedine premete drugih studijskih programa Univerziteta u Tuzli, kao i drugih univerziteta u zemlji i inostranstvu, koji se ne izvode na matičnom studiju, i to samo ako je takav predmet predviđen nastavnim planom i programom za dodiplomski studij, odnosno ugovorima o saradnji, mobilnosti studenata i stipendijama razmjene studenata sa drugim univerzitetima.

Za predmete sa drugih katedri Univerziteta u Tuzli, upis predmeta, nakon saglasnosti Vijeća Odsjeka za žurnalistiku, odobrava Dekan fakulteta, također uz saglasnost voditelja studijskog odsjeka u okviru kojeg se nalazi predmet koji student želi da sluša. Za predmete sa drugih univerziteta, upis predmeta i njegovo priznavanje vrši se uz saglasnost Vijeća Odsjeka za žurnalistiku, kao i odobrenje domaćinskog odsjeka na drugom univerzitetu.

Ostvareni ECTS bodovi priznaju se kao da su ostvareni u okviru studijskog programa Žurnalistika, a bodovna vrijednost predmeta odgovara onoj koju taj predmet ima u okviru studijskog programa u okviru kojeg se izvodi.

Broj studenata koji mogu upisati pojedini predmet ograničen je kapacitetom fakulteta/Akademije, o čemu odlučuje dekan na prijedlog odgovornog nastavnika predmeta.

Predmet koji student sluša na drugom fakultetu/Akademiji upisuje se u indeks.

VIII Uslovi upisa u sljedeći semestar, odnosno narednu godinu studija, te način završetka studija

Student stiče pravo na upis u narednu godinu studija ostvarivanjem ECTS kredita za predmete iz prethodne godine studija.

Student može prenijeti u narednu godinu studija najviše 10 (deset) ECTS bodova ili najviše 2 (dva) predmeta, ukoliko zajedno nose više od 10 (deset) ECTS bodova.

Student koji ne ispuni uslove iz prethodnih stavova, obnavlja istu godinu studija.

Student koji obnavlja studijsku godinu izvršava preostale ispitne obaveze u terminima završnog popravnog i dodatnog popravnog ispita

Student koji obnavlja studijsku godinu obavezan je platiti naknadu za obavljanje ispita prilikom svakog ponovnog polaganja završnog ili popravnog ispita iz predmeta u godini koju obnavlja, u visini koju utvrdi Senat.

Student koji obnavlja studijsku godinu, obavezan je prisustvovati realizaciji nastave samo iz nastavnih predmeta iz kojih nije izvršio utvrđene obaveze učešća u nastavi, odnosno nije ostvario pravo na potpis. Ako se, u navedenom slučaju radi o predmetu iz grupe izbornih predmeta student, u narednoj akademskoj godini, može ponovo upisati isti ili birati drugi izborni predmet koji nosi potreban broj ECTS kredita.

Student završne godine studija, koji je ovjerio posljednji semestar (apsolvent) zadržava status studenta još 6 (šest) mjeseci, odnosno do 31. marta naredne godine, u kojem periodu ima pravo na obavljanje preostalih završnih ispita, u svakom kalendarskom mjesecu. Ukoliko ne diplomira u navedenom roku, preostale obaveze izvršava kao student – imatrikulant, uz obavezu plaćanja naknade za polaganje ispita u visini koju utvrdi Senat. Status imatrikulacije podrazumijeva vođenje studenta u evidenciji, bez obaveze obnavljanja završne godine studija i može trajati najduže do isteka akademske godine u kojoj ga sustiže generacija studenata upisanih po

izmijenjenom nastavnom planu i programu. Student koji ne diplomira do isteka akademske godine u kojoj ga sustiže generacija studenata upisanih po izmijenjenom nastavnom planu i programu obnavlja upis završne godine studija, uz obavezu izvršavanja razlike obaveza iz nastavnog plana i programa u primjeni, ukoliko se ona utvrdi.

IX Način izvođenja studija

Studij je organiziran kao redovni.

X Uslovi nastavka studija

Po završetku studija prvog ciklusa student može nastaviti studij drugog ciklusa u trajanju od jedne godine.

XI. NASTAVNI PLAN

Nastavni plan četverogodišnjeg studija žurnalistike sadrži obavezne (opće i stručne) predmete, izborne predmete i profesionalnu praksu, koja se realizira u okviru nastavnih predmeta: Radijska produkcija, Televizijska produkcija, Radijsko novinarstvo, Televizijsko novinarstvo, Novinarstvo u printnim medijima, Tematsko novinarstvo: samostalni projekt i Novinarska fotografija.

PRVA GODINA	ZIMSKI SEMESTAR				LJETNI SEMESTAR			
Predmet	P	A	L	ECTS	P	A	L	ECTS
Uvod u komunikologiju I	3	2	0	6				
Teorija informacija I	3	2	0	6				
Uvod u politologiju	3	0	0	5				
Savremeni bosanski, hrvatski, srpski jezik	2	2	0	5				
Sociologija I	2	1	0	5				
Engleski jezik I	2	0	1	3				
Uvod u komunikologiju II					3	2	0	6
Teorija informacija II					3	2	0	6
Medijska pismenost					3	2	0	5
Politički sistem BiH					3	0	0	5
Sociologija II					2	1	0	5
Engleski jezik II					2	0	1	3
UKUPNO OBAVEZNIH	15	7	1	30	16	7	1	30

SUMARNI PREGLED

ZIMSKI SEMESTAR				LJETNI SEMESTAR			
SATI (25 po semestru)		ECTS (30 po semestru)		SATI (25 po semestru)		ECTS (30 po semestru)	
Obavezni (max.6 predmeta)	Izborni (ne nude se)	Obavezni (max.5 predmeta)	Izborni (ne nude se)	Obavezni (max.6 predmeta)	Izborni (ne nude se)	Obavezni (max.5 predmeta)	Izborni (ne nude se)
23	0	30	0	24	0	30	0
Ukupno: 23		Ukupno: 30		Ukupno: 24		Ukupno: 30	

DRUGA GODINA	ZIMSKI SEMESTAR				LJETNI SEMESTAR			
Predmet	P	A	L	ECTS	P	A	L	ECTS
Pisanje za medije I	3	0	2	6				
Osnovi printanih medija	3	0	2	6				
Savremeni sistemi javnog komuniciranja	3	2	0	5				
Novinarska fotografija	3	0	2	5				
Interkulturalna komunikacija	2	1	0	5				
Pisanje za medije II					3	0	2	6
Medijske politike					3	2	0	6
Novinarstvo u printanim medijima					3	0	2	5
Govorna komunikacija					2	0	2	5
Interpersonalna komunikacija					2	1	0	5
UKUPNO OBAVEZNIH	14	3	6	27	13	3	6	27

DOPUNSKI KREDITI	ZIMSKI SEMESTAR				LJETNI SEMESTAR			
Predmet	P	A	L	ECTS	P	A	L	ECTS
Socijalna psihologija	2	0	0	3				
Engleski jezik III	2	0	0	3				
Socijalna politika					2	0	1	3
Engleski jezik IV					2	0	1	3

SUMARNI PREGLED

ZIMSKI SEMESTAR				LJETNI SEMESTAR			
SATI (25 po semestru)		ECTS (30 po semestru)		SATI (25 po semestru)		ECTS (30 po semestru)	
Obavezni (max.5 predmeta)	Izborni (max.ponuđenih : 2 predmeta)	Obavezni (max.5 predmeta)	Izborni (max.ponuđenih : 2 predmeta)	Obavezni (max.5 predmeta)	Izborni (max.ponuđenih : 2 predmeta)	Obavezni (max.5 predmeta)	Izborni (max.ponuđenih : 2 predmeta)
23	2	27	3	22	3	27	3
Ukupno: 25		Ukupno: 30		Ukupno: 25		Ukupno: 30	

TREĆA GODINA	ZIMSKI SEMESTAR				LJETNI SEMESTAR			
Predmet	P	A	L	ECTS	P	A	L	ECTS
Osnovi radija	3	0	2	6				
Komunikologija online medija	3	0	2	6				
Radijska produkcija	3	0	2	5				
Građansko novinarstvo	3	0	2	5				
Sociologija BH društva	2	0	0	5				
Radijsko novinarstvo					3	0	2	6
Web novinarstvo					3	0	2	6
Uvod u odnose s javnostima					3	0	2	5
Novinarska etika					3	0	2	5
Agencijsko novinarstvo					2	0	1	5
UKUPNO OBAVEZNIH	14	0	8	27	14	0	9	27

DOPUNSKI KREDITI	ZIMSKI SEMESTAR				LJETNI SEMESTAR			
Predmet	P	A	L	ECTS	P	A	L	ECTS
Kulturalne studije	3	0	0	3				
Engleski jezik V	2	0	1	3				
Ekonomska politika					2	0	0	3
Engleski jezik VI					2	0	0	3

SUMARNI PREGLED

ZIMSKI SEMESTAR				LJETNI SEMESTAR			
SATI (25 po semestru)		ECTS (30 po semestru)		SATI (25 po semestru)		ECTS (30 po semestru)	
Obavezni (max.5 predmeta)	Izborni (max.ponuđenih : 3 predmeta)	Obavezni (max.5 predmeta)	Izborni (max.ponuđenih : 3 predmeta)	Obavezni (max.5 predmeta)	Izborni (max.ponuđenih : 3 predmeta)	Obavezni (max.5 predmeta)	Izborni (max.ponuđenih : 3 predmeta)
22	3	27	3	23	2	27	3
Ukupno: 25		Ukupno: 30		Ukupno: 25		Ukupno: 30	

ČETVRTA GODINA	ZIMSKI SEMESTAR				LJETNI SEMESTAR			
	P	A	L	ECTS	P	A	L	ECTS
Predmet								
Upravljanje odnosima s javnostima	3	0	2	6				
Osnovi televizije	3	0	2	6				
Istraživačko novinarstvo	3	0	2	5				
Televizijska produkcija	3	0	2	5				
Poslovna komunikacija	2	0	1	5				
Medijski menadžment					3	0	2	6
Televizijsko novinarstvo					3	0	2	6
Tematsko novinarstvo: samostalni projekt					3	0	2	5
Politička komunikacija					3	0	2	5
Metodologija društvenih istraživanja					2	0	1	5
UKUPNO OBAVEZNIH	14	0	9	27	14	0	9	27

DOPUNSKI KREDITI	ZIMSKI SEMESTAR				LJETNI SEMESTAR			
	P	A	L	ECTS	P	A	L	ECTS
Predmet								
Politička filozofija	2	0	0	3				
Engleski jezik VII	2	0	0	3				
Civilno društvo					2	0	0	3
Engleski jezik VIII					2	0	0	3

SUMARNI PREGLED

ZIMSKI SEMESTAR				LJETNI SEMESTAR			
SATI (25 po semestru)		ECTS (30 po semestru)		SATI (25 po semestru)		ECTS (30 po semestru)	
Obavezni (max.5 predmeta)	Izborni (max.ponuđenih : 3 predmeta)	Obavezni (max.5 predmeta)	Izborni (max.ponuđenih : 3 predmeta)	Obavezni (max.5 predmeta)	Izborni (max.ponuđenih : 3 predmeta)	Obavezni (max.5 predmeta)	Izborni (max.ponuđenih : 3 predmeta)
23	2	27	3	23	2	27	3
Ukupno: 25		Ukupno: 30		Ukupno: 25		Ukupno: 30	

Dr. Sc. Mirza Mahmutović, doc.